

Հաշվետվություն

2019 թվականի հուլիսի 13-ից 21-ը Ճապոնիա (Տոկիո) կատարած գործուղման արդյունքների մասին

1. Անունը, ազգանունը.

Լևոն Մելիքյան

2. Զբաղեցրած պաշտոնը.

ՀՀ անշարժ գույքի կադաստրի կոմիտեի ղեկավարի տեղակալ

3. Գործուղման վայրը և ժամկետները.

Ճապոնիա, Տոկիո, 2019 թվականի հուլիսի 13-ից 21-ը:

4. Հրավիրող կողմը.

29-րդ Քարտեզագրական միջազգային գիտաժողովի կազմակերպչական կոմիտե:

5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն Քարտեզագրության համաշխարհային ասոցիացիայի 18-րդ Գլխավոր ասամբլեային, 29-րդ Քարտեզագրական միջազգային համաժողովին և «Աղետների ռիսկի նվազեցման մարտահրավերները քարտեզագրության համար Մեծ տվյալների դարաշրջանում» աշխատահավաքին:

6. Քննարկված թեմաները.

Քննարկվեցին օրակարգով նախատեսված հետևյալ հարցերը.

- Տեղագրական քարտեզների ստեղծման ավտոմատացված համակարգերը,
- Տարածական տվյալների ենթակառուցվածքների ստեղծման և կիրառման փորձը տարբեր երկրների օրինակով,
- Երկրատարածական տվյալների շարունակական թարմացման օրինակները,
- Աղետների ռիսկերի գնահատումը և կանխորոշումը մեծ տվյալների առկայության պարագայում,
- Աղետների սիմուլյատիվ խաղարկումը երկրատարածական արհեստական թվային միջավայրում:

7. Հանդիպումներ, ելույթներ, բարձրացված կամ քննարկված հարցեր.

ՀՀ անշարժ գույքի կադաստրի կոմիտեի (այսուհետ՝ Կոմիտե) պատվիրակության կազմում է եղել նաև Կոմիտեի գեղդեզիայի և քարտեզագրության վարչության պետ Արտակ

Փիլոյանը:

Հանդիպումներ են տեղի ունեցել Քարտեզագրության համաշխարհային ասոցիացիայի նախագահ Մենո-Յան Կրասկի հետ, Վադ ազդարարման ու ճգնաժամային իրավիճակների քարտեզագրման հանձնաժողովի նախագահ, պրոֆ. Միլան Կոնեչնիի հետ և «ESRI Swiss» կազմակերպության մասնագետ Մարկ Վիգլիի հետ:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.


Հուլիսի 15-ին և 20-ին տեղի է ունեցել Քարտեզագրության համաշխարհային ասոցիացիայի 18-րդ Գլխավոր ասամբլեան: Ասամբլեայի առաջին օրվա օրակարգում ընդգրկված մի շարք հարցերի հետ քվեարկության է դրվել նաև Հայաստանի Հանրապետության՝ ասոցիացիային ազգային անդամի կարգավիճակով անդամակցելու հարցը, որն անցել է միաձայն: Արդյունքում ՀՀ պատվիրակությունը ստացել է քվեարկության իրավունք և լիարժեք անդամի կարգավիճակով մասնակցել է ասամբլեայի հետագա աշխատանքներին: Հուլիսի 20-ին տեղի են ունեցել ասոցիացիայի նոր նախագահի, գլխավոր քարտուղարի, նախագահի տեղակալների և հանձնաժողովների ղեկավարների ընտրությունները և ասոցիացիայի 2019-2023 թթ. բյուջեյի հաստատման քվեարկությունը: Փակ քվեարկության արդյունքում նոր նախագահ է ընտրվել ԱՄՆ-ն ներկայացնող Թիմ Թրեյնորը, իսկ նոր քարտուղար՝ Շվեյցարիայի ներկայացուցիչ Թոմաս Շուլցը: Նաև միաձայն հաստատվել է ասոցիացիայի 2019-2023 թթ. բյուջեն:

9. Առաջարկությունները, դրանց ընթացք տալու վերաբերյալ առաջարկները.

Առաջարկում ենք Համաշխարհային քարտեզագրության ասոցիացիայի շրջանակներում տարածաշրջանային կոնֆերանս անցկացնել Երևանում՝ քարտեզագրության և երկրատարածական տեխնոլոգիաների հանրայնացման, ինչպես նաև քարտեզագրական և աշխարհագրական միջազգային ասպարեզում Հայաստանի Հանրապետության դիրքերի ամրապնդման նպատակով:

10. Ստորագրությունը, ամսաթիվը:

Լևոն Մելիքյան



24.07.2019 թ.